



Nuummi umiarsualivittaassap sanaartorneqarnissaanut ingerlanneqar-nissaanillu siunertaqartumik aktiaateqarluni ingerlatsivimmik pilersits-isoqarnissaanik kingusinnerpaamillu UPA2014-imi ingerlatsiviup umiarsualiviillu allat pissutsinut nalimmassarneqarnissaat pillugit Naalakkersuisut 2013-imi suliakkerneqarnissaat pillugu Inatsisartut aa-lajangiiffigisassaattut siunnersuut.

(Naalakkersuisut Siulittaasuat aamma Nunanut allanut tunngasunut Naalakkersuisoq)

(Siullermeenera)

Demokraatini siunnersuut nuannarilluinnarparput. Piffissami sivisuumi sorsuutigisimavarput Nuummi umiarsualiviup allineqarnissaa qujanartumillu kiisami tamanna anguneqarpoq, malunnarmat politikerit amerlanerussuteqartut isumaqataasut.

Nuummi innuttaasut tamarmik namminneq takoreerpaat umiarsuit maannakkut umiarsualivimmi inissaqanngimmat avataani utaqqisariaqartartut. Assortorneqarsinnaanngilaq nutaamik umiarsualiviliortoqarnissaa pisariaqartinneqarluninarmat maannakkut pioreersoq assartuinerup annertunera pissutigalugu artukkerneqartarmat. Aamma naatsorsuutigisariaqarparput ukiuni aggersuni suliaasat millinaviannngitsut illoqarfimmi innuttaasut amerliartormata aamma maannagaaq takuneqarsinnaareermat Nuuk inuutissarsiorfittut atorneqaleraluttuinnartog.

Demokraatini taamaattumik naatsorsuutigaarput, Nuummi containerinut umiarsualivik nutaaq inuiaqatigiit ineriartortuarnerannut iluaqusiijumlahartog.

Nuuk kisimi umiarsualivimmit iluaquserneqartussaannngilaq aamma nunap sinnera. Nutaamik umiarsualiveqalerpat umiarsuit annerit sukkanerillu talissinnaanngussapput kiffartuunneqarsinnaalerlutillu nunaminertani initunerusuni. Tassa imaappog, assartukkat ataasiakkaat akilersinnaanerulissapput aamma CO2-mik mingutsitsineq millissaaq. Pitsaasumik



sinerissap sinneranut feedersystemeqalernikkut assartuineq sivitsorsarneqassanngilaq, inuiaqatigiinnulli aningaasarsiornikkut iluaqusiisussat piuinnaassapput.

Tamatuma saniatigut aamma maluginiagassaavoq, Assartuineq pillugu Isumalioqatigiisitarsarissumik innersuussutiginiikummassuk Nuummi nutaamik umiarsualiviliortoqassasoq, tamanna inuiaqatigiit aningaasarsiornernannut kivitsisussaammat. Taamaasilluni piffissaq qaninnerusooq isigalugu ukiumut sipaarneqartalersinnaassapput 30 mio. koruunit.

Nuummi nutaamik umiarsualiviliornissamut aalajangernissaq siviluallaamik ingerlareerpoq. Kinguaattoornermut pissutaavoq IA-p Siumullu piaraalutik suliniummik kinguaarsaasimanerat. Tamanna ilaatigut pivoq qinigaaffiup kingulliup ingerlanerani Aningaasaqarnermut Ataatsimiititaliami, tassani partiit taakku marluullutik 2011-mi aasakkut piumasrineqartunut misissueqqaarnissanut aningaasaliiumasimangillat.

Demokraatini tamakkiisumik tapersorsorparput Nuummi nutaamik umiarsualiviliortoqassasoq. Aamma tapersorsorparput ingerlatseqatigiiffik taannaassasoq saanaartorlunilu ingerlatsisussaq, kisianni isumaqarpugut imaattariaqanngitsoq Namminersorlutik Oqartussat kisimik piginnittuussasut. Kissaatigaarput annertunerusumik imalimmik aqqissuussisoqassasoq, Namminersorlutik Oqartussat saniatigut allat aningaasaliisinnaanngorlugit.

Siusinnerusukkut oqaatigineqarnikuuvoq Kommuneqarfik Sermersooq, Royal Arctic Line taamatullu Aalborgimi umiarsualivik aningaasaleeqataanissaminnut soqutiginnittut aamma Demokraatini isumaqarpugut taakku umiarsualivittaassamut aningaasaleeqataasariaqartut.

Pineqartut piareersimapput ingerlatseqatigiiffimmut 80 mio. koruuninik aningaasaliinissaminnut. Aningaasat allanut atatillugu atorluakuttoorsinnaavagut. Kommuneqarfik Sermersooq ukiut ingerlanerani siunertamut 40 mio. koruuninik immikkoortitsinikuuvoq.

Tamanna Qeqqata Kommuneata Sisimiuni umiarsualivimmik allilerinermut akiliineratut nersortariaqartigaaq.



Namminersorlutik Oqartussat kissaatigippassuk, naminersorlutik oqartussat qularnaveeqqusingaannik nunani allani atukkat atorlugit umiarsualiviliornissaq 100 procentimik namminersorlutik oqartussanit pigineqarluni ingerlatseqatigiiffiattut ingerlanneqassasoq taava eqqaamasariaqarpoq, aningaasat illuartittariaqarnissaat allanut atorneqarsinnaajunnaarlugit.

Demokraatini isumaqarpugut siunissami piginnittuusussat tassaaginnartariaqanngitsut Namminersorlutik Oqartussat, Kommuneqarfik Sermersooq Roayl Arctic Line aamma Aalborgimi umiarsualivik. Partiitut qilersorsimannngitsutut kissaatigaarput siunissami Namminersorlutik Oqartussat piginneqataassutaasa naminersortunut imaluunniit innuttaasunut tuniniarneqassasut, namminersortunngorsaaneq ilumoortoq peqqullugu.

Namminersorlutik Oqartussat ingerlatseqatigiiffii allat eqqarsaatigalugit periuseq atorneqassasoq Naalakkersuisunut Inatsisartunullu innersuussutigissavarput. Tele Greenland A/S aallarniutigissallugu piukkunnarpoq.

Siunnersuut Attaveqatigiinnermut Ataatsimiititamut innersuupparut.